

清·方略館 編

清代 方略 全書

北京圖書館出版社



清代方略全書

一五八

清·方略館編

北京圖書館出版社

欽定剿平捻匪方略卷一百八十

癸亥年



二月二十六日

壬寅

張之萬毛昶熙奏言陳逆於

二月初八日率領亳捻由正陽之銅鍾一帶避

兵南走其張中舉林振山戴應華等股仍留張

岡並分踞旁近之楊寨等處互相犄角爲牽掣

我軍之術臣等飛檄總兵余際昌率所部卽日

南行追賊並飭副將陳祿興一軍先紮魯店將

寨內賊匪勦盡卽令就近規取張岡總兵趙鴻
舉帶領蔣東才等分攻附近賊寨兼爲各路策
應初九日余際昌督率全部馳紮銅鍾探知該
匪已竄土扶橋霍洸玉寨卽於是日先率馬隊
進勦斬馘多名該匪於夜閒逃遁初十日竄至
息縣西界龐家灣渡河而南經署知縣劉鴻昌
等督率勇練半渡擊之殺賊數十名淹斃無算

其前股折回龐家灣會合後股南竄羅山竹竿鋪復經知縣賀錫福截殺多名賊由該縣河口集等處遁入光山縣境十一日余際昌帶隊馳抵光山之曹黃嶺進紮縣境八里岔次日該總兵親率各營馬隊由中路疾馳進剿令副將李殿元督率各營步隊分左右兩路同時併進追賊至吳楮店將賊騎橫衝兩段我軍步隊趕到

復將後股馬賊截殺無數前股散匪經馬隊追
勦至光山五里河再戰再捷斬溺約千餘名該
逆竄至縣南之白雀園一帶復經余際昌督催
馬步緊追躡勦其張岡股匪十三日率衆出竄
當經副將陳祿興等迎擊斬殺甚夥餘匪遁入
楊寨十六日總兵趙鴻舉等率兵進攻忽張岡
賊衆來援我軍分兵迎擊斬殺六百餘名陳祿

興王文行等乘夜自領捷勇越濠進攻該逆不
支向東奔竄經陳祿興等截殺殆盡立將楊寨
克復臣等現已嚴飭余際昌乘勝銳進務將該
匪全股殄滅惟白雀園南通楚疆東達商固楚
省沿邊一帶均有防兵固始三河尖地方亦有
皖省官軍駐紮係提督成大吉所帶若楚皖各
軍越境助剿必能聚而殲旃臣張之萬現已飛

咨楚皖督撫就近派軍會合豫師四面兜剿仍
嚴飭豫軍併銳急追其張岡踞賊由臣毛昫熙
親督趙鴻舉等各軍相機攻剿埽除伏莽以慰

聖廑

張之萬毛昫熙又奏言二月初七日曹審馬寨
各捻圖竄項城經參將張士元等帶隊截回初
八日會練進攻曹審直抵寨邊填濠銳進該匪

負嶠固守矢石雨下馬寨之賊復突出援應經
馬策勲奮勇擊退擒斬數名時張曜進徧荒坡
以附近之胡寨擒首時純一隨陳逆南竄當卽
襲破其寨初十一日張曜督軍進徧荒坡
攻擊甚力賊勢窮蹙張曜復密令練長劉傳倫
潛約寨民乘機內應十二日我軍乘夜往攻縱
火焚燒煙燄四起賊衆大亂寨民乘亂開門張

曜親督各軍齊進殲賊無數餘賊越牆而逸復經副將保英截殺殆盡是日張士元等進攻曹窰亦令軍士乘風縱火並將各隊環紮東西北三面而於南面令遊擊程之偉等設伏待之該賊果開南門奔竄張士元等蹙其後程之偉等截其前擒斬甚衆當將曹窰攻克現飭張曜等激勵兵勇乘勝將新項境內賊寨節節掃蕩以

清伏莽奏入

崇禎奏言二月二十日緝獲竄至

上命議政王軍機大臣傳諭張之萬毛昶熙曰陳逆
糾合毫捻由銅鍾一帶南竄經余際昌等督隊進
剿敗之於吳楮店復敗之於白雀園著張之萬速
飭余際昌督率馬步各隊跟蹤追躡會同楚皖防
兵併力兜剿務將此股竄匪悉數殲除以杜後患
楊寨雖經克復而捻匪張中愚林振山戴應華等

尙敢踞守張岡負嵎抗拒著毛永熙親督趙鴻舉
等剋期攻拔毋任久踞如該總兵等攻剿不力致
該匪乘閒他竄卽著從嚴叅辦張曜督軍攻破荒
坡乘勝克復曹窰勦辦頗屬得手著張之萬仍飭
張曜等激勵兵勇迅將新項境內各賊寨節節掃
蕩並將首惡陳大禧殲除以清伏莽

二十七日

癸卯

崇厚奏言二月二十日該逆竄至

東旺村改竄東路一帶臣先期派候補參將劉
祺帶景州練勇馳紮南宮新河之間力顧東北
二十一日劉祺探知賊已東趨卽帶隊馳抵畢
家莊之南設伏以待見馬賊持炬前行步賊隨
後直向東犯該參將俟賊隊相距已近從賊兩
旁齊開槍礮斃賊多人餘匪遂向南面空隙處
所捨命狂奔適成保薩薩布帶馬隊趕到卽與

劉祺台兵向南跟追臣於二十二日馳抵廣宗縣據徐廷楷稟稱二十一日探知賊在廣宗縣之葫蘆村一帶該總兵卽派已革參將王恩第帶勇前往劫營徐廷楷亦帶大隊在後接應王恩第行至葫蘆村西見賊縱橫偃息當卽四而縱火斬關而入刀砍矛刺斃賊多名賊尙抵死抗拒而風狂火烈房屋已燃遂各驚潰據獲賊

供匪首楊四夜間身受重傷生死未定匪衆將
該首逆馱向南竄等語其時成保薩薩布由葫
蘆村向南追殺沿途斃賊百餘名已追至山東
館陶縣北臣於二十三日馳抵威縣復嚴催各
軍乘此聲威併力追剿不容稍有喘息現在接
署提臣恆齡咨稱二月二十二三等日可以馳
抵東昌臣已派弁前往迎催飛速來直統帶各

軍乘勝追勦並咨請親王僧格林沁酌量緩急
來直督師復派署總兵姜國仲知府余承恩各
帶兵勇馳往曲周一帶遏截西竄之路隨時搜
捕彈壓毋令西路土匪乘機勾結

崇厚又奏言臣於二月二十三日馳赴臨清州
所屬之下堡寺地方署提臣恆齡亦於是日由
臨清拔隊前來臣當與面晤據稱是日行至臨

清城西趙家莊地方突遇馬賊數百名當經前
敵衝擊立即奔潰共斃賊一百餘人餘賊均向
西南竄去臣復又探得曲周地方尙有大股匪
衆飛飭候補道劉策先等帶勇截擊並飭春霖
前往西路策應姜國仲余承恩兩軍力遏西北
兩路以期兩面夾擊恆齡亦卽於二十四日繞
赴曲周西北兜圍追躡臣於二十四日折回威